

桃仁承氣湯

去

治畜血中焦腹中急結下利膿血

桃仁

五箇

桂心

舊誤
桂枝

芒硝

甘草

各二錢

大黃

四錢

水二碗煎一碗去渣內芒硝待沸溫服

腹中急結緩以桃仁之甘中焦畜血散以官桂之

辛蓋甘以緩之辛以散之也熱甚血凝或乾閉或

下膿血非硝黃不足以徹其藩籬入甘草者欲其

委曲搜剔不欲其一往而盡耳按犀角地黄湯治

上焦之血抵當湯治下焦之血此治中焦之血宜

用桂心舊本誤作桂枝成氏隨文順釋不足據也

今改正之。

升麻葛根湯 治脾臟發欬。然而右脇痛。痛引肩背。甚則不可以動。及無汗惡寒。陽明發癰。欲出未出。以此發之。

升麻

白芍藥

甘草

各二錢

葛根 三錢

右木二鍾煎一鍾服

右脇者脾胃之鄉也。肩者手陽明之脈也。癰發胃熱。胃主肌肉。用升麻葛根直入陽明而逐其邪熱。佐之以芍藥。使之以甘草。和其營也。俾無伏匿之

邪也。其治發癰止宜于將出者。若已出而用之。重虛其表。反增癰爛矣。

升麻六物湯 治赤癰口瘡赤爛。

升麻

梔子

各一錢五分

大青

杏仁

黃芩

各一錢

葱白 三莖

水三鍾煎一鍾溫服

癰者肌肉之症。應在陽明。或失汗。或失下。或下早。或下遲。或陽症誤溫。則熱甚傷血。裏實表虛。皆為癰症。口亦陽明之應。熱上蒸迫。故瘡赤而爛也。以升麻為向導之兵。以青梔為解紛之客。杏仁佐升

麻黃芩佐梔子皆引邪外出自肌肉而達于皮毛也毒氣外宣火威下抑中州之禍吾知免夫

大黃黃連瀉心湯 治心下痞按之濡關上脈浮

大黃 五錢

黃連 五分

右取沸湯泡須臾去渣溫服

仲景曰心下痞明明在胃脘矣用大黃黃連瀉胃中濕熱非瀉心也病發于陰而下之則痞滿乃寒傷營血邪氣乘虛結于胃脘胃之上脘正當心下故名瀉心實則瀉胃也詳見大黃條下不用煎煮但取湯漬者瀉虛熱者宜氣薄也

四逆湯 治陰症脈沉身痛太陰自利不渴

附子 三錢

甘草

乾薑 各一錢五分

水鍾半煎八分服

脾為太陰而主四肢四肢厥冷錄于真火無光無氣以布也寒傷營衛則身痛幽門氣衰則不禁有水無火故不渴非附子斬關之將將有噬臍之悔矣得乾薑則達中州貫至高而陽氣可回耳偏于燥熱恐有喜攻之害甘草以緩之赫曦轉為青帝矣

散方十二首

散者散也主于散去病邪較丸劑則功緩補劑亦有則功速較煎劑則功緩補劑亦有

散者則又以標瀝為義。往往為脾胃之方也。

瓜蒂散 主胸中多痰氣上衝咽喉不得息。

瓜蒂 炒黃

赤小豆 各等分

右為細末取一錢用豉一合湯七合煮作稀糜去滓取汁和散頓服之不吐少少加得吐乃止諸亡血虛家不可與服。

華陀曰四日在胸可吐之迎而奪之之法也千金方曰氣浮上部胸中滿者吐之經曰濕氣在上以苦吐之瓜蒂苦寒是以為君經曰酸苦湧泄為陰赤小豆味酸是以為臣香豉苦寒苦以湧泄寒以

勝熱是以為使吐中之馱劑重亡津液之藥也

稀涎散 主中風暴仆痰涎壅盛此藥取吐。

牙皂

四條去皮弦炙

白礬 二兩

共為末每進三字水下。

經曰邪風之至疾如風雨又曰暴氣象雷又曰陽氣者閉塞又曰徇蒙招尤目冥耳聾皆言陽氣之乘人以明症之急且重也吳氏曰清陽在上濁陰在下天冠地履無暴仆也若濁邪逆湧清陽失位故暴仆而多痰耳經曰病發而不足標而本之先治其標後治其本故不與疎風補虛而先吐其痰

涎。白礬酸苦。經曰。酸苦湧泄。故以為君。皂角辛鹹。經曰。辛以散之。鹹以軟之。故以為佐。此固奪門之兵也。咽喉疏通。能進湯液便止。若攻盡其痰。則無液以養筋。令人孳急偏枯。此大戒也。

平胃散 治脾濕痰飲痞隔。或嵐氣霧露。不服水土。

蒼朮

泔浸七日五觔

陳皮

去白

厚朴

薑汁炒各三觔

甘草

炙三兩

共為末。白滾湯點服。

濕土太過。謂之敦阜。腎挾肝邪。侮所不勝。土不能制。留于中焦。故痞隔也。嵐霧之毒。水土之症。陽明

虛者受之。蒼朮甘燥。甘則入脾。燥則勝濕。故以為君。厚朴苦溫。溫能益脾。苦可下氣。故以為臣。佐以陳皮之辛。正下行之令。和以炙草之甘。為向導之兵。濕氣分消。敦阜以平。所以有平胃之名也。

參苓白朮散 治脾胃虛弱。不進飲食。或瀉或嘔。

人參

去蘆

茯苓

去皮

白朮

土炒

甘草

炙

山藥

炒

扁豆

法燻炒各四兩

砂仁

炒去衣

桔梗

炒去蘆

薏苡仁

炒

蓮肉

去衣及心各二兩

右共為末。薑棗湯調服。

脾胃屬土。土為萬物之母。故東垣曰。脾胃虛則百病生。然則調理中州其首務也。脾悅甘。故用入參。甘草。苡仁。脾喜燥。故用白朮。茯苓。脾喜香。故用砂仁。心。生。脾。故用蓮子。治心。土。惡水。故用山藥。治腎。枯。梗入肺。能升能降。所以通天氣于地道。而無否塞之憂也。

玉屏風散

主氣虛表驟自汗不已。易感風寒。

黃耆

炙

防風

各一兩

白朮

二兩

共為末。每服三錢。白湯下。

衛氣虛薄。則玄府不開。陽不能固。自汗乃出。黃耆

甘溫專克肉分。是以為君。防風入肺。貫徹皮毛。故東垣曰。黃耆得防風而功愈大。是以為臣。白朮甘溫入脾。脾主肌肉。故以為佐。以其善補衛外。足為吾身之倚庇。故玉屏風之名立焉。

六一散

主中暑身熱煩渴。小便不利。

右為末。每用五錢。新汲水調服。

身熱煩渴。陽明症也。小便不利。太陽症也。滑石味甘淡。甘入中央。淡則五臟無歸。專入太陽。利便滑則利竅。不獨小便也。故以為君。然石性大寒。能傷

滑石 六兩 白朮 一兩
者水飛細

中州太滑能滲真氣經曰以甘緩之故用甘草為佐經曰治溫以清涼而行之故用新汲水調夫天一生水地六成之此太陽寒水之數也經曰寒勝熱此方專主丙丁故有取于六一之數焉。

黃栢乳潤一宿

蒼木淋浸七宿

右二味等分為末空心酒服三錢。

溫性有就下之義故其病在中半以下濕則生熱溫熱相搏其痛乃作黃栢味苦苦勝熱且能下行故以為君蒼木性燥燥勝濕且能辛散故以為臣

黃栢可去熱中之濕蒼木可去濕中之熱兩者相縮各有妙用故曰二妙。

十灰散 治嘔血吐血咯血嗽血先用此方止之。

大薊

小薊

栢葉

荷葉

茅根

茜根

大黃

梔子

丹皮

棕櫚皮各等分

右燒灰存性研細碗蓋地上一夕出火毒用時先將藕汁或蘿蔔汁磨京墨半碗調服五錢。

血屬陰反從火化故其色赤為陽所動則血苑于

上。使人薄厥。黑屬壬癸。見黑則止者。火見水而伏也。故用灰與墨汁。苦澁之味。聚而用者。苦能勝火。澁可固脫。更得童便引之。下行尤盡。折伏之妙。勝于蘿蔔藕汁也。

藿香正氣散 治外感風寒。內傷飲食。頭痛寒熱。或霍亂洩泄。或作瘧疾。

桔梗

大腹皮

厚朴製

升麻

茯苓各一錢

甘草灸五分

藿香一錢五分

紫蘇一錢

右薑三片。棗一枚。煎熟服。

正氣旺。則皮毛克固。外無感冒之虞。脾胃健行。內無停食之患。正氣稍有不足。外感內傷。交作。以甘桔紫蘇。辛甘發散。其外邪。厚朴大腹。苦辛宣通。其內滯。更以藿香為君主。內可和中。外可解表。統領諸劑成功。正氣賴以復矣。故名藿香正氣。

不換金正氣散 治脾氣虛弱。寒邪相搏。痰停胸膈。寒熱為瘧。

厚朴薑製

藿香

半夏

蒼木並浸糖炒

陳皮各一錢

甘草灸五分

右薑三片。棗一枚。水煎熟服。

正氣指中氣也。中氣不和水濕不行，則痰生爲患。蒼朴陳甘平胃散也。所以錫胃土之墩阜而使之平也。佐以藿香一身之滯氣皆宣助以半夏滯腹之痰涎盡化。俾正氣得以轉輸邪氣無繇乘襲。可貴孰甚焉。雖有黃金吾不與易矣。故名。

霹靂散

治陰盛隔陽身熱脈浮煩燥飲水

附子一隻

用冷灰埋之取出細研入真礬茶一錢同研分二服。每服水一鍾煎六分入蜜一匙冷服。

陰寒太盛隔陽于外。此卽內真寒而外假熱也。無

根之虛陽在外。故脈浮而大。按之如無。非表邪也。煩躁者陰寒發躁水極似火之象。欲水者欲坐井中。爲外有虛熱故也。此寒極反見勝已之化。譬如冬月嚴寒水泉冰堅。堅爲陽象反于極寒乃見也。若誤以爲熱輕與寒涼須臾之頃便入幽泉矣。可不謹諸方名霹靂者卽所謂一聲雷破臘萬象盡回春之義也。

紫雪散

治脚氣及暑中三陽所患必熱煩躁發痲

等症。

升麻六錢

黃金十兩

寒水石

附子
非
冷
心

石膏各四兩

犀角

羚羊角各一兩

玄參一兩

沉香

木香

丁香各五錢

甘草八錢

水五碗。煑金至三碗。去金。入諸藥。再煎至一鍾。去渣。投朴硝三兩二錢。微火煎。柳條勿停手攪。候欲凝。入盆中。更下硃砂麝香各三錢。急攪令勻。候冷。

凝成雪。每服一錢。細細嚙之。煩躁發癩。症在陽明。

大青升麻。用而不效。其毒深矣。草木無功。進求金石。黃金稟中央。陰巳之氣。合西方從革之行。且能鎮定。可肅妄炎。二石有水霜之度。二角有凜冽之

風。玄參補其北。朱砂瀉其南。制以四香。無增氣之虞。君以朴硝。有降冬之象。羣陰並集。賴升麻以導入陽明。雖有苛毒。行且冰消矣。方名紫雪者。取其色。喻其功也。

膏方六首。膏者。膏也。虛則重補。其脂膏。又肺經之藥。不服頻而少。既取其便。于頻又

地黃膏。主滋陰降火。養血清肝。

生地黃一兩 當歸身三兩 白芍藥一兩五錢

生地黃酒洗 當歸身酒洗 白芍藥錢炒

甘枸杞六錢 牡丹皮二錢 知母鹽酒

地骨皮炒 人參去蘆 甘草各五錢

人參去蘆 甘草各五錢

地骨皮炒 人參去蘆 甘草各五錢

地骨皮炒 人參去蘆 甘草各五錢

地骨皮炒 人參去蘆 甘草各五錢

地骨皮炒 人參去蘆 甘草各五錢

地骨皮炒 人參去蘆 甘草各五錢

地骨皮炒 人參去蘆 甘草各五錢

科考玉差

水二斗煎一斗去滓熬煉成膏。

夫陰虛者未有不火動苦寒直泄之藥惟病端初起元氣未虛勢方蘊隆脉鼓而數者暫取治標稍久涉虛便不可服王太僕曰治熱未已而中寒更起且足太陰傷而絕肺金孕育之原矣茲以地黃為君知母為臣壯天一之水以制丙丁不與之直爭也當歸芍藥以沃厥陰腎肝同治之法也水衰則火旺是以二皮為鈐制火盛則金衰是以二冬為屏障人參蓮子補金位之母甘草生用所以奉令承使奔走贊成者也若火勢既平而中宮虛弱者亟進參朮膏以壯倉廩之官。

參朮膏 治虛勞之人脾胃虧損或脹或瀉

人參 去蘆

白朮 土炒各八兩

薏苡仁 炒四兩

蓮肉 三兩去皮及心

黃耆 二兩蜜炙

茯苓 二兩去皮

神麴 一兩炒

澤瀉 炒

甘草 三錢各

水二斗熬一斗去滓再熬成膏。

經曰清氣在下則生飧泄濁氣在上則生脹脹此皆土虛并金亦薄遂失其升降之常耳經曰脾欲緩急食甘以緩之以苦泄之白朮苦甘是以為君東垣曰脾胃虛則氣不足人參甘溫補氣是以為

常用夢如
下蒸無一
浪擲也

補肺生衛論

卷四

三

臣氣不足者肉分不克故佐以黃耆土虛則不能生金故佐以苡仁虛則補其母故佐以蓮子土惡濕虛則水寡于畏故佐以茯苓澤瀉土虛則不善散精輪肺故佐以神麴通五方之氣于太陰和諸藥之性而無忤者甘草為使之力也

人參固本膏 治腎虛肺熱喘嗽煩渴

人參 一兩

天門冬

麥門冬

生地黃

熟地黃 各四兩

右以二冬二地熬成膏以人參細末和勻時時挑少許置口中噙化

天一生水故腎為萬物之元人身之本自伐其元則本不固而勞熱作矣熱則火刑金而喘嗽生焉取二地以補腎為君精不足者補之以味也取二冬以保肺為臣虛則補其母也火刑金而肺氣衰非人參莫可救援東垣所謂無陽則陰無以生也倘泥肺熱傷肺之說則孤陰不長不幾于坐而待斃耶

瓊玉膏 治虛勞乾咳

生地黃 四兩

白茯苓 十三兩

白蜜 二兩

人參 六兩

右以地黃汁同蜜熬沸攪勻用絹濾過將參苓為細末和勻前汁入磁瓶用綿紙十數層加箬封扎瓶口入砂鍋內以長流水煮沒瓶頸用桑柴火煮三晝夜取出換油紙扎口以礮封固懸井中一日取起仍煮半日白湯點服

乾咳者有聲無痰火來乘金金極而鳴也此本元之病非悠游漸漬難責成功若誤用苦寒祇傷肝土金反無母故丹溪以地黃為君令水感則火自息也損其肺者益其氣故用人參以鼓生發之元虛則補其母故用茯苓以培萬物之本白蜜為百

花之精味甘歸脾性潤悅肺且緩燥急之火四者皆溫良和厚之品誠堪寶重郭棧曰起吾沉瘵珍賽瓊瑤故有瓊玉之名示人知所珍也

五味子膏 治夢遺精滑及火嗽極效

北五味子 一觔水浸一宿去核入砂鍋煎之去渣入蜜三觔共熬成膏須微火為妙 右每服二三匙空心白湯下

北方之令主閉藏神氣虛怯則不能收固五味子味酸酸者束而收斂能固耗散之精有金水相生之妙况酸味正入厥陰厥陰偏喜疎泄乃圖魏救越之法也一物單行功專力銳更無監制故為效

聖言欲速者

後仁之意

神速不可多服久服必有偏勝之患

龜鹿二仙膠 大補精髓益氣養神

鹿角血取者十觔 龜版自敗者五觔 枸杞子甘州者三十兩

人參清河者去蘆十五兩

右用鉛罈如法熬膠初服酒化一錢五分漸加至

三錢空心下

人有三奇精氣神生生之本也精傷無以生氣氣傷無以生神故曰天一生水水為萬物之元精不足者補之以味故鹿角為君龜板為臣鹿得天地之陽氣最全善通督脉定于精者故能多淫而壽

龜得天地之陰氣最厚善通任脉定于氣者故能伏息而壽一物氣血之屬又得造化之玄微異類有情竹破竹補之法也人參為陽補氣中之法枸杞為陰清神中之火故以為佐是方也一陰一陽無偏攻之憂入氣入血有和平之美繇是精生而氣旺氣旺而神昌庶幾享龜鹿之年矣故曰二仙白朮膏 補胃健脾和中進食

白朮十觔取于滑出者先煮湯待冷浸一宿刮去皮淨切片用山黃土蒸之晒乾再以米粉蒸之晒乾聽用

右用水百碗桑柴火煎取三十碗加白蜜二觔熬

成膏每服一酒杯淡薑湯點服。太陰主生化之元其性喜燥其味喜甘其氣喜溫。白木備此三者故爲中宮要藥配以白蜜和其燥也。且其味重則歸脾速陶氏頌云綠葉抽條紫花標色百邪外禦六府內克木榮火謝盡採擷之難。啓且移申窮淋瀝之劑味重金聚芳踰玉液夫豈無故而得此隆譽哉。

醫案論第

醫典極博茫如望洋自非有恒未有不廢然返者夫醫之難非處常之難處變之難也毫釐疑似之間判若千里之隔苟無確然之見而拘于常其不夭人之年者鮮矣余儒者也鉛槧是攻而又與知醫寧免掛漏之譏然沉心綜考之餘求就倍謹愚而自用矢不敢爲繆辱知信往往取驗其療處常之症不敢贅錄摘一二治之變者謹述如左知我者其惟此案乎罪我者其惟此案乎。

吏部少宰蔣恬菴署禮部時患手足麻痺目中視一成兩服補血藥不應改服脾藥痰藥精神困倦余診得寸口脈大兩尺獨瀉此心腎不交水泛爲痰之故也乃取地黃丸料作煎劑倍用澤瀉茯苓入

青鹽少許凡六劑而岐視遂收乃兼進參耆安神之劑一月而康復如常。

屯田孫待御瀟湘夫人久病不止口乾發熱飲食不進猶服香連等藥完穀不化尚謂邪熱不殺穀欲進芩連數日不食熱甚危迫余診之脈大而數按之極微詢之小便仍利腹痛而喜手按此火衰不能生土內真寒而外假熱也小便利則不熱可知腹喜按則虛寒立辨亟進附子理中湯待冷與服一劑而痛止連進一十餘劑兼服八味丸而康。

徽州太學方魯儒精神疲倦腰膝異痛不可忍醫者

皆曰腎主腰膝乃用桂附之劑綿延兩月愈覺四肢痿軟腰膝寒冷遂恣服熱藥了無疑懼比余視之脈伏于下極重按之振指有力因思陽盛格陰乃火熱過極反兼勝已之化欲用苦寒之藥駭而茄從又半月而寒愈甚復求治余曰寒勢日增乃熱毒愈甚也小便當赤必畏沸湯詢之果然方能信悅余以黃柏三錢龍膽草二錢芩連梔子各一錢五分加生薑七片爲之向導乘熱頓飲移時便覺腰間暢快三劑而痛若失矣用人參固本丸日服二兩一月而痊愈。

孟太宗師胃脘痛甚狀若感冒因而廢食用木香豆蔻陳皮枳殼理氣之劑痛勢不減心脾兩部緩而且瀉此內傷不足之候也法當峻補而原醫者曰痛無補法通則不痛矣寧敢用此反劑耶余曰此固正劑也若再進攻伐之藥請勿復敢見矣乃進參耆各三錢歸朮陳皮各二錢酸棗仁一錢服之是夕能食痛勢頓減調補數日而痊

同邑郡守張三星脾胃不和久患泄瀉用分利燥濕之劑不效診其脈右手寸關滑甚與二陳滾痰之藥再服而瀉止未幾感冒發熱惡寒困倦之甚診得六部大而無力人迎與氣口亦畧相當遂與補中益氣湯連服一月而安

同邑社友俞敬敷飲食不均遠行勞倦發熱煩悶症類傷寒乃禁食不與比余視之言語輕微手背不熱六脈數而軟此真氣不足非有外邪也力勉其進粥乃與甘溫大補之劑恪服數日熱退而安

同邑吳君明患傷寒至六日譫語狂笑不大便舉皆欲用大承氣湯下之余見其小便清因思仲景曰傷寒不大便六七日頭痛有熱小便清知不在裏仍在表也欲用桂枝湯羣然誹謗以爲此陽盛之

症桂枝到口必斃矣。余曰：汗多亡陽，故發謔語。雖不大便，腹無所苦，和其榮衛，必自愈耳。遂遣衆用之，及夜而笑語皆止。明日大便亦通，故知病變多端，不可膠執。向使狐疑而用下藥，禍不旋踵。給諫晏懷泉如夫人時當盛暑，心腹大痛，自汗甚多。清火行氣之藥，遍服弗效。診其左寸濇，右寸濡，此氣弱不行，血因以阻耳。乃進參耆薑桂桃仁歸尾玄胡索之劑，二劑而痊。調理年餘，再殖生子。盛暑而用薑桂，捨時從症也。

江右太學李明奇素雄壯，忽患左脇痛，手不可近。用左金丸瀉肝湯，至月餘，痛處漸大，右脇亦痛，不能行動，神氣如癡，惚惚若有所失，面色黃，兩關脈促。此畜血已深，非快劑不下也。用桃仁承氣湯，一服不動，再加乾漆生大黃五錢，下血塊十餘枚，痛未全減。又下數枚如雞子大者，痛遂止，神乃爽。然惟見困倦，先與獨參湯，再用八珍湯調理三月而康。南都許翰所孫女，十八歲患痰嗽，夏月診之，太陰搏指，少陰如爛綿，其爲水衰而火乘金，了然可見。余曰：金以火爲仇，今不浮濇而反洪大，賊脈見矣。腎水又不能救，秋金之令可憂。至八月初五日診之。

忽見肺之洪者變而爲細。腎之軟者變而爲大。余曰：歲在戊午，少陰司天，法當兩尺不應。今尺當不應而反大，寸當浮大而反細。余曰：尺寸反者，死。况肺部如絲，懸懸欲絕。經曰：肺脈懸絕，十二日死。計其期當成于十六日。然而安穀者過期，不安穀者不及期，以飲食不減，故當踰期。况十六十七二日皆金助其旺氣，安得遽絕。十八日交寒露節，又屬火日。經曰：手太陰氣絕，丙日篤，丁日死。言火日也。寅時乃氣血注肺之時，不能注則絕，必成于十八日寅時矣。輪所聽之，潛然淚下，自謂能食，猶不肯信。果至十八日未曉而終。

閩中太學張仲輝喜食瓜果，縱飲無度，忽患大瀉，先用分利，不應，再用燥濕，反加沈困。余見其六脈皆浮，因思經曰：春傷于風，夏生飧泄，非汗不解。以麻黃三錢，人參白朮各二錢，甘草升麻各一錢，與之。有醫者笑曰：書生好奇，妄用險峻，傷寒且不輕用麻黃，此何病也，而以殺之耶。仲輝感之，既而困甚，嘆曰：吾已將死，姑服此藥，以倖萬一。遂煎服之，覆取大汗，泄瀉頓止。以四君子調治而痊。遺書謝曰：真以放縱蒙此奇病，藥劑雜投，無益反害。夙世有

得兄手援而庸夫護阻幾至敗亡天未絕策於
沈困之中結肝膈之信一七纔投病邪立解麻黃
人參人視之如鴆毒見用之如美丸竟救餘生以
有今日淪肌沁骨之感永劫難忘敢忘報耶
海寧刑部主政許同生令愛痢疾腹痛脈微而軟余
曰此氣虛不能運化其窘迫後重乃下陷耳用升
陽散火湯一劑繼用補中益氣湯數劑而愈
同邑業師吳玄水如夫人吐血發熱上氣欬嗽其脈
大而虛心部尤甚此氣虛不能攝血忌用降火之
藥遂用歸脾湯加乾薑數服血止熱退而安

五家嫂發熱煩渴胸腹痛甚肢節皆疼服理氣降火
和血之藥不效余診其脈緊而非數乃中有痼冷
也遂用八味丸料加人參服之數劑而霍然
江西學憲黃貞父患腸風下血久用四物湯苓連槐
花之屬屢發不止面色頗黃診其脈惟脾部浮而
緩此土虛而風濕交乘也遂用蒼朮三錢茯苓人
參黃耆升麻柴胡防風各一錢進四劑而血止改
服十全大補湯調養而愈

同邑社友宋敬夫患心腹大痛遂不敢食服行氣消
食溫中諸藥不效診其左寸滑而急視其氣不能

以息偶得一效痛楚難支余曰此爲心病無疑非有食也亟進米粥以小茴香吳茱萸玄胡索木通川練甘草煎成加食鹽少許一劑而痛止數劑而安

嘉善孝廉葉行可腹脹而瀉腸風下血用涼血行氣之劑反淡不快用黃柏知母胃氣愈傷飲食減少余曰此土氣虛甚因而下陷不能攝血也以異功散加升麻乾薑數十劑而痊

浙江太學俞望之鬱熱嘔吐余授以方曰四劑可止用竹茹山梔各三錢陳皮茯苓各二錢甘草一錢煎成加薑汁五匙和勻熱服望之曰昨得一方與此相類服而不效何也余曰熱甚而嘔口有冷氣此火極似水之象須涼藥熱飲方得素問之旨前所服必不甚熱耳第熱飲之必當速愈已而果驗同邑張少椿女以喪子悲傷忽當雷雨交作大恐苦無所避旦日或泣或笑或自語或罵詈如中鬼祟診其心脈浮滑餘皆沉細此氣血兩虧憂恐傷心心傷則熱熱積生風也以滾痰丸用桔梗玄胡索陳皮杏仁煎湯送下出痰積甚多而愈

兵尊高懸圃老公祖患兩足酸軟神氣不足向服安

神壯骨之藥不效。改服滋腎牛膝苡仁二妙散之屬。又不效。純用血藥。脾胃不實。召余診之。脈皆沖和。按之亦不甚虛。惟脾部重取之。濇而無力。此土虛下陷。不能制水。則濕氣墜于下焦。故膝脛爲患耳。進補中益氣。倍用升柴。數日卽愈。夫脾虛下陷之症。若誤用牛膝等下行之劑。則愈陷。此前藥之所以無功也。

邑宰夏儀仲太夫人。年已八袞。戊寅新夏。儀仲遠任閩邑。憂思不已。偶因暑浴。遂患發熱。頭痛。醫者以爲傷寒。禁其食。而肆行解散。越三日。氣高而喘。汗

出如洗。昏冒發厥。業已治凶事。始問治于余。余診其脈。大而無力。乃爲之辨。曰。外感發熱。手背爲甚。內傷發熱。手心爲甚。外感頭痛。常痛不休。內傷頭痛。時作時止。今頭痛無定。而手背不熱。是與虛也。與外邪無涉。卽進食補中。猶懼或失之。反禁食攻表。安得不敗乎。遂用人參黃耆各五錢。白朮半夏各二錢。橘紅一錢。甘草六分。原醫者爲之。咻曰。喘爲氣逆。此藥到咽。卽不可救。鄰家驚疑。不決。余百口陳辨。甫投一劑。喘汗減半。更倍用參朮二劑。症減七八。惟飲食不進耳。余曰。火衰不能生土。但于

原方加附子一錢五分。乾薑一錢。十劑而食進。調理三月。計用參三斤而安。

新安吳修予令侄。煩躁發熱。肌體骨立。目不得瞑。已三年矣。大江以南。迦醫幾遍。非清熱養陰。卽化痰安神。藥劑及千。求一刻安臥不能也。時寓嘉定盧店典中。迦余視之。肝脉獨沉而搏。此怒氣久伏。木鬱宜達也。用柴胡四錢。白芍藥二錢。丹皮山梔各二錢五分。甘草五分。桂枝四分。日晡進劑。未及黃昏而鼾齁熟寐。達旦未寤。伊兄裏伯大爲憂惶。余曰。卧則寃歸于肝。三歲不歸。疲勞已極。譬如久熱得涼。樂而忘返。無足懼者。至午方甦。喜不自禁。從床褥叩首曰。積患沉痾。自揣必斃。三年之病。一朝而起之人。非土木。感極涕零。索余丸方。惟逍遙散。加人參而已。一月之後。頓復康和。

楚中中翰秦五梅奉

旨祭瑩董玄宰。昏倦發熱。頭痛惡風。郡侯方公祖命余診之。余曰。中氣大虛。元氣下陷。陽氣不克。而頭痛。形氣衰少。而內熱。用調中益氣加葛根一劑。而愈。再煎而起。更製脾腎兩丸。俾服踰月。而健旺倍常矣。

翰林學院楊方壺夫人怒後飲食停滯作痛每用枳
朴查芽七日無功商治于余遂以六君子湯加玄
明粉投之宿垢頓下滯痛雖除昏倦不能進食稍
得食便泄瀉困乏難狀日用人參一兩熟附三錢
黃耆白朮肉果各二錢甘草六分半夏一錢間以
六君子補中湯調理參必一兩附必三錢百日之
內未嘗少間越五月服人參至八觔薑附至二觔
方復居處之常

太學姚三省膈噎嘔吐或與清火或與疎通或與化
痰或與散鬱居半載而愈甚余曰氣口無力兩尺
遲難脾胃交虛之診也脾胃虛則升降失職而痰起
中焦腎虛則真火衰微食難運化與白朮五錢炒
令焦色半夏二錢炮薑二錢沉香一錢一劑而嘔
吐減半再劑而食進凡二十日而善啗如湯沃雪
余亦不意其速効至此

相國楊文老歷吾郡督兌時與余有生平垂顧就診
極言痰氣作楚喘急而不能食遍體作痛服清氣
化痰無異服水何也余曰豈止無益翻受害矣肥
人氣居于表中氣必虛脾胃不能勝濕氣虛不能
健運是以多痰而喘益用四君子加半夏佐以薑

汁可數劑已也遂恪服之計下車至起行凡七日而痰喘果平

文學金伯含三年吐血計三冬二母四物之類不膏五百劑形容憔悴面色痿黃咳嗽喘急每歲必吐血數次漸至一月而吐五六次苦不可支悉簡所服方案專來商治余細診之沉而不浮尺小于寸右弱于左色天而無黯不覺喟然嘆曰此陽氣本虛寒涼復傷之肅殺之氣色脉並告矣夫復何疑遂用生脉散加肉桂一錢熟附一錢甘草五分一劑而安然再劑而嗽減伯含曰溫劑若不相宜助

火速于桴鼓兩投而勢減對症可知而今而後甫有生機矣連進十劑血果不來喘嗽頓止更以八味丸理中丸交進半載而瘳

學師楊龍友如夫人發熱頭疼昏倦煩悶六日之後忽見紅點衆皆以為發癩用升麻犀角之類五日以來轉增煩悶紅點不退迎余視之脉浮而大皆有頭粒此太陰之癩非陽明之癩也癩為熱毒蘊于肌肉法當清火癩為風邪客于皮毛法當宣揚

一表一裏奚啻天淵乃用防風二錢荆芥一錢前胡桔梗殫數甘草治之一劑而點多三劑而疹透

臨論可為法

調理半月而安。夫癩爲陽邪，大忌苦寒。過其宜發，誤作癩治，適與相反。其不斃者，幸而免耳。

武林俞玉士年甫三旬，怒後發渴，飲水過多，旦日肢體俱腫，腹脹異常。乞診于余，余曰：年方壯而病發，子驟脈方實而藥不厭攻。若不急于疎通，積久必成大患。以胃苓散加牛膝車前三進，而不爲少動。是病深藥淺也。更以舟車神祐丸再進，而小便泉湧，肢體漸收，仍與胃苓湯加白木椒仁。十五日而痊。

薛曼手之疾，余之甥也。未出閣時，患腹脹食少而黃。

體瘦，幼科多以退熱消積治之。女科多以通經行血治之。大方以爲虛而議補，俱不效。比余視之，脈大而尺獨數，肌膚甲錯，爲小腸有瘕，膿已成而將潰矣。亟與葵根一兩，皂刺二錢，銀花三錢，甘草節一錢，陳皮二錢，再劑而膿血大潰，更以太乙膏同參者治之。一月始安。